

陳

澧

集

伍

齊
民
船
聲

PDG

陳
澧
集

伍

上海古籍出版社

資
平
知
學
PDG

老子注	一
公孫龍子注	四五
孝經紀事	八七
漢儒通義	一一一
漢書地理志水道圖說(附考正德清胡氏禹貢圖)	二五一
水經注西南諸水考	四四七
說山	四九三
申范	五〇九
毛本梁書校議	五三九
朱子語類日鈔	五五九
肇慶府修志章程	五九七
學海堂志	六〇五
學校貢舉私議	六九七
三統術詳說	七〇九
弧三角平視法	七九一

老子注

譚步雲點校



第

十

卷

新
學
集
卷
十

點校說明

陳氏《老子注》以抄本行於世，流傳者大約有以下數見：

一、據丁仁長、吳道鎔、梁慶桂總纂之《番禺縣續志》卷三十二「藝文·補遺」云：「《老子注》一卷國朝陳澧撰。存。傳抄本。」又據《陳東塾先生年譜》：「《老子注》一卷（番禺徐氏藏稿本），見《備忘冊·自著書目》。自注曰：『不作。』故所注頗簡，間有每章僅注一條，或未有注者，然發明義趣，深有裨於讀《老子》者，引用王弼、河上諸家舊注，采擇極嚴。」（第四十八條）

二、據朱謙之先生《老子校釋》（中華書局，一九八四年十一月版）徵引書目所云：「北京大學圖書館藏有『陳澧《老子注》舊抄本』。惟不知何人所錄。」

三、石光瑛教授一九三〇年遙錄自汪兆鏞抄本的抄本（據石氏跋語）。石氏原是廣州中山大學教授，其抄本原藏廣州中山大學，現藏廣東省圖書館。一九六七年，臺灣商務印書館據陳氏曾孫陳之邁所搜羅的這個抄本影印刊行。這個影印本，卷首附張起鈞、嚴靈峰二序，卷末錄陳之邁後記，略述成書經過。事實上，陳之邁所搜羅到的石氏抄本，可能只是石氏抄本的抄本！當然也可能是番

禹徐氏藏稿本加上石氏跋語的抄本（參是書陳之邁後記）。

另據張起鈞序，汪氏原抄本殆已不存，但可能有據以所抄的本子流傳。

以上文字，可略知陳澧所撰《老子注》稿本的流傳情況。

就其正文的文字情況分析，陳氏所注主要採用王弼的注本，間亦用河上公章句本，並參以多家之注，擇善而從。

這次校點的本子，爲石光瑛一九三〇年逐錄自汪兆鏞抄本的抄本。校點則以文淵閣《四庫全書》收錄的王弼注本《老子道德經》（校注簡稱爲「王本」）和河上公章句本《老子道德經》（校注簡稱爲「河上本」）爲主要底本，並以馬王堆所出帛書甲本、乙本《老子》（《馬王堆漢墓帛書》「壹」，文物出版社，一九八〇年。校注簡稱爲「馬王堆甲本、乙本」）作爲參校本。

老子注

一章

道，可道，非常道；名，可名，非常名。言常道不可道，常名不可名也。常道常名謂道也。二十五章云「有物混成，先天地生，吾不知其名，字之曰道」，是也。道在天地之先，而萬古不變，故曰常也。既有天地之後，萬變不窮，其道可道，其名可名，然變而非常矣。無名，天地之始；有名，萬物之母。河上公注云：「無名者謂道，有名謂天地。故常無，欲以觀其妙；常有，欲以觀其微。無欲，謂禁遏其欲也。常禁遏其欲，以觀道妙，然萬物皆有欲。出生入死，故又常以己之有欲。觀萬物之歸趣也。河上云：『微，歸也。』觀世俗之歸趣。陸云：『微，小道也，邊也，微妙也。』此兩者同出而異名，同謂之玄，玄之又玄，衆妙之門。河上云：『兩者，謂有欲無欲也。』禮謂：『於其禁遏，名之曰無，於其本有，名之曰有也。』

二章

天下皆知美之爲美，斯惡矣；皆知善之爲善，斯不善已。^(一)知美善則竟爲藏善，失其自然。故有

無相生，難易相成，長短相形。官本云：「各本俱作『形』」。《釋文》作「較」。蓋用弼本。按：「生」、「成」、「形」、「傾」四字爲韻，作「形」是。高下相傾，陸云：「傾」，高下不正貌。音聲相和，前後相隨。此六者，萬物之自然。是以聖人處無爲之事，行不言之教，萬物作焉河上云：「各自動也。而不辭」^二。河上云：「不辭謝而歇止。生而不有，爲而不恃，功成而弗居，夫惟弗居」^三，是以不去。

三章

不尚賢，使民不爭；不貴難得之貨，使民不爲盜；不見可欲，見胡旬切。使民心不亂，各本無「民」字，從官本。是以聖人之治，虛其心，河上云：「除嗜欲，去亂煩。實其腹，河上云：『懷道抱一，守五神也。』」弱其志，河上云：「和柔謙讓，不處權也。強其骨，河上云：『愛精重施，髓滿骨堅。』」使常民無知無欲^四，使夫知者不敢爲也^五，智者喜于有爲，使之不敢爲。爲無爲，則無不治。

四章

道沖，而用之或不盈。沖，虛也。淵兮，似萬物之宗，挫其銳，揣而銳之，不可長保，故挫之也。解其紛，和其光，同其塵，湛兮，似或存。吾不知誰之子。河上云：「老子言我不知道所從生。象帝之先。河上云：道自在天帝之先。」

五章

天地不仁，以萬物爲芻狗；聖人不仁，以百姓爲芻狗。芻與狗，至賤之物。天地之間，其猶橐籥乎？王云：橐，排橐也。籥，樂籥也。虛而不屈，河上云：無有屈竭時。屈，《釋文》作「掘」，云河上本作「掘」。動而愈出，多言數窮，王云：理數也。顧云：勢數也。不如守中。

六章

谷神不死，谷，虛也。谷神，虛神也。《釋文》：谷，古木反。中央無者也。是謂玄牝。玄，幽深也。牝，竅也。玄牝之門，是謂天地根，河上云：鼻、口之門，是乃通天地之元氣，所從往來。縣縣若存^{〔六〕}，用之不勤。河上云：鼻、口呼噏，喘息當縣縣微妙，若可存，又若無有，用氣常寬舒，不當急疾勤勞也。

七章

天地長久，天地所以能長且久者^{〔七〕}，以其不自生，天地生物而不自生。故能長生。是以聖人後其生而身先^{〔八〕}，外其身而身存，非以其無私耶^{〔九〕}，故能成其私。老氏之旨，在成其私。

八章

上善若水，水善利萬物而不爭，處衆人之所惡，王云：人惡卑也。故幾於道。河上云：水性幾與道同。居善地，心善淵，河上云：水深空虛，淵深清明。與善仁，河上云：萬物得水以生，與虛不與盈也。言善信，河上云：水內影照，形不失其情也。正善治，河上云：無有不洗，清且平也。事善能，河上云：能方能圓，曲直隨形。動善時。河上云：夏散冬凝，應期而動，不失天時。夫唯不爭，故無尤。

九章

持而盈之，不如其已。王云：持謂不失德也，既不失其德，又如其無德無功者也。揣而銳之「二〇」，磨也。顧云：治也。銳，《釋文》作「悅」，云河上作「銳」。不可長保「二二」，金玉滿堂，莫之能守。富貴而驕，自遺其咎。功遂身退「二三」，天之道。王云：四時更運，功成則移。

十章

載營魄抱一，能無離乎？一，即所謂谷神不死者也，人身載營魄而抱神，能無離乎？專氣致柔，能嬰兒乎？能不分其氣，又極柔弱如嬰兒乎？滌除玄覽，能無疵乎？河上云：當洗其心，使潔淨也。心處玄冥

之處，覽知萬物，故謂之玄覽。愛民治國，能無知乎？六十五章：「以智治國，國之賊。」天門開闔，能無雌乎？^{「三」}？天門未詳。河上云：天門謂鼻孔。王云：天門，天下之所由從也。開闔，治亂之際也。雌應而不倡，因而不爲，言天門開闔，能爲雌乎？官本云：按注義「無」似作「爲」。澧謂作「爲」是也。爲雌，即所謂守其雌也。河上注、王注，未定孰是。明白四達，能無爲乎？生之畜之，生而不有，爲而不恃，長而不宰，是謂玄德。

十一章

三十輻共一轂，當其無，有車之用。埴埴以爲器，陸云：埴，河上云，和也；埴，河上云，土也。當其無，有器之用。鑿戶牖以爲室，當其無，有室之用。故有之以爲利，無之以爲用。車以轉軸者爲用，器以容物者爲用，室以出入通明者爲用，皆在空虛之處。吳云：「無」者，空虛之處也。

十二章

五色令人目盲；五音令人耳聾；五味令人口爽；陸云：爽，差也。河上云：亡也。馳騁畋獵，令人心發狂；難得之貨，令人行妨。行而有害也。《左傳》云：匹夫無罪，懷璧其罪。行，陸云：下孟反。是以聖人爲腹不爲目，故去彼取此。吳云：但爲實腹以養氣，不爲悅目而徇物也，但言不爲目，益舉一以包其四。

十三章

寵辱若驚，陸云：文簡云：寵，得也；辱，失也。顧云：若，而也。貴大患若身。陸云：河上云：貴，畏也，身空也。何謂寵辱若驚？寵爲下，得之若驚，上之榮辱，爲下者得之，當若驚也。失之若驚，失之即辱也。是謂寵辱若驚。何謂貴大患若身？吾所以有大患者，爲吾有身，及吾無身，吾有何患？故貴以身爲天下，若可寄天下；愛以身爲天下，若可託天下。若，猶乃也。

十四章

視之不見，名曰夷；陸云：夷，顧云，平也；鍾云，滅也，平也。聽之不聞，名曰希；搏之不得，名曰微。此三者，不可致詰，故混而爲一。其上不皦，陸云：皦，明也。其下不昧，繩繩不可名，陸云：繩，梁帝云：無涯際之貌。顧云：無窮不可序。復歸於無物。是謂無狀之狀，無物之象，是謂惚恍。迎之不見其首，隨之不見其後。執古之道以御今之有，能知古始，是謂道紀。

十五章

古之善爲士者，微妙玄通，深不可識。夫唯不可識，故強爲容_{（四）}。吳云：強爲之模楷其外之

容^{〔五〕}，下文七者是也。豫焉^{〔六〕}，若冬涉川，猶兮，若畏四鄰；儼兮，其若容^{〔七〕}；「客」與「釋」韻，作「容」者誤也。渙兮，若冰之將釋；敦兮，其若樸；曠兮，其若谷；混兮，其若濁。孰能濁以靜之^{〔八〕}？徐清。孰能安以久動之？徐生。王云：「孰能」者，言其難也。官本云：《永樂大典》無「久」字。按：河上云：誰能安靜以久，徐徐以長生。其本似無「動」字。保此道者不欲盈。夫惟不盈^{〔九〕}，故能蔽不新成。官本云：蔽，《永樂大典》作「敝」是也。二十二章：「敝則新。」吳云：凡物敝則缺，新則成，敝而缺者，不盈也。新而成者，盈也。保守此道之人，不欲其盈，故能敝缺，不爲新成。

十六章

致虛極，守靜篤。致虛而極，守靜而篤。萬物並作，吾以觀復。夫物芸芸，各復歸其根。所謂復也，榮必歸於枯，生必歸於死。歸根曰靜，是謂復命^{〔一〇〕}。復命曰常，常，理也。知常曰明。不知常，妄作凶。知常容，知萬物皆當歸根復命，自不爭競，而能容根。容乃公，公乃王，王乃天，天乃道，道乃久，沒身不殆。

十七章

太上，下知有之，下知有君上而已。其次親而譽之，其次畏之，其次侮之，信不足焉，有不信焉！王云：信不足焉，則有不信。悠焉^{〔二〕}，其貴言，行不言之教。功成事遂，百姓皆謂我自然。我、百姓，自謂

也。不知上之功，故以爲我自然也。

十八章

大道廢，有仁義。所謂失道而後德，失德而後仁，失仁而後義也。慧知出^{二三}，有大僞。六親不和，有孝慈。國家昏亂，有忠臣。

十九章

絕聖棄智，民利百倍；絕仁棄義，民復孝慈；絕巧棄利，盜賊無有。此三者以爲文不足，文，疑當作「民」。聲之誤也。爲，去聲。此三者，本以爲民，而實不足以爲民也。故令有所屬：使民有所屬。見素抱樸，少私寡欲。王云：屬之于素樸寡欲。

二十章

絕學無憂，絕學則無憂。唯之於阿^{二三}，相去幾何？善之於惡，相去何若^{三四}？人之所畏，不可不畏。荒兮，其未央哉！衆人熙熙，如享太牢，如登春台。我獨泊兮，其未兆，如嬰兒之未孩，儼儼兮若無所歸！衆人皆有餘，而我獨若遺。我愚人之心也哉，沌沌兮！俗人昭昭，我獨昏昏。俗人

察察，我獨悶悶，澹兮，其若海，飂兮，若無止。衆人皆有以，王云：以，用也。而我獨頑似鄙，我獨異於人，而貴食母。

二十一章

孔德之容，孔德，未詳。王云：孔，空也。以空爲德。惟道是從。道之爲物，惟恍惟惚。惚兮恍兮，其中有象；恍兮惚兮，其中有物；窈兮冥兮，其中有精；其精甚真，其中有信。自古及今，其名不去，以閱衆甫，吾何以知衆甫之狀哉？以此。

二十二章

「曲則全，枉則直，窪則盈，弊則新，少則得，多則惑。」是以聖人抱一爲天下式，不自見，故明；見，胡旬切。不自是，故彰；不自伐，故有功；不自矜，故長。夫唯不爭，故天下莫能與之爭^{〔二五〕}，古之所謂「曲則全」者，豈虛言哉？誠全而歸之。

二十三章

希言自然。王云：無味不足之言，乃是自然之至言也。飄風不終朝，驟雨不終日。孰爲此者？

天地。天地尚不能久，而況人乎〔二六〕？故從事於道者，道者同於道，德者同於德，失者同於失。同於道者，道亦樂得之；同於德者，德亦樂得之；同於失者，失亦樂得之〔二七〕。信不足焉，有不信焉！

二十四章

企者不立〔二八〕，跨者不行，自見者不明，見，胡旬切。自是者不彰，自伐者無功，自矜者不長。其在道〔二九〕，曰餘食贅行，物或惡之，故有道者不處。

二十五章

有物混成，先天地生。寂兮寥兮！獨立不改〔三〇〕，周行而不殆。可以爲天下母。吾不知其名，字之曰道，強爲之名曰大。大曰逝，逝曰遠，遠曰反。故道大，天大，地大，王亦大〔三一〕。域中有四大〔三二〕，而王居其一焉〔三三〕。人法地，地法天，天法道，道法自然。

二十六章

重爲輕根，靜爲躁君。是以聖人終日行不離輜重，吳云：此言輕之本乎重也。雖有榮觀，燕處超